



Broj: 01-291/23
Vareš, 30.11.2023. godine

Z A P I S N I K
sa 29. sjednice Općinskog vijeća Vareš,
održane 27.10. 2023. godine

Predsjedavajuća OV pozdravila je sve prisutne.

Izvršena je prozivka vijećnika.

Prisutni vijećnici: Mirnes Ajanović, Sahudina Beganović, Nurdin Begović, Maja Berberović, Mahira Brkić, Amela Brkić, Asmir Čizmo, Dario Dodik, Zakir Džafo, Zdenko Franjić, Nazif Hajrić, Igor Hinger, Šaban Ibrišimović, Emir Islamović, Mario Mirčić, Nedžad Mušanović, Malik Rizvanović, Nikola Šimić i Ešref Likić.

Odsutni: Nema.

Mahira Brkić – predsjedavajuća Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajuća OV otvorila je 29. sjednicu s početkom u 14.00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, pomoćnici načelnika - gosp. Ermin Musa, gosp. Čedomir Jelić, gosp. Ibrahim Spahić, rukovodilac JURA – gosp. Rusmir Berberović, šefica Odsjeka za računovodstvo i trezor – gosp. Stela Terzić, zamjenica Općinskog pravobranioca – gosp. Belma Karamustafić, direktorica JU Centar za kulturu i edukaciju Vareš - gosp. Šejla Kapetanović i predstavnici medija.

Predsjedavajuća OV izvjestila je Vijeće da je na 28. sjednici OV održanoj 28.09.2023. godine donijelo sedam (7) zaključka od kojih su četiri (4) Zaključka realizovana a tri (3) Zaključka su u toku realizacije. Postavljeno je šest (6) vijećničkih pitanja i jedno (1) dopunsko pitanje. Na sva pitanja je dat usmeni odgovor.

Općinski načelnik Zdravko Marošević pod aktuelnim pitanjima izvjestio je Vijeće o redovnim aktivnostima organa uprave koji se odnose na pripremu budžeta, rebalansa i završetak određenih projekata. Zamolio je vijećnike da kroz vijećnička pitanja traže odgovore o svemu što ih zanima i što smatraju da je bitno kako bi na isto dao odgovore u prvom dijelu sjednice, jer zbog ranije zakazanih obaveza neće moći biti prisutan tokom cijele sjednice.

(Izjašnjavanje vijećnika o dobivenom odgovoru)

Nije bilo izjašnjavanja.

(Vijećnička pitanja i Inicijative)

Amela Brkić

1. Moje pitanje se odnosi na odvoz kabastog otpada, kada će doći do odvoza istog? Zakonski je predviđeno da se odvozi četiri puta u toku godine, ali naša gradska zona je pretrpana sa kabastim otpadom, a ja se ne sjećam kada se otpad odvezio. (dato je pojašnjenje)

Emir Islamović

2. Moje pitanje se odnosi na parking prostore u gradu. Građani su zainteresovani, ako je moguće, za iscrtavanje parking mjesta ispred svojih zgrada, bili bi voljni i plaćati isto.
3. Da li je tačna informacija koju ja imam, da se duguju doprinosi na plaću i doprinosi za PIO/MIO javnim ustanovama i javnim preduzećima čiji je osnivač Općina Vareš? Ako je informacija tačna koji su to iznosi koji se duguju javnim ustanovama i javnim preduzećima čiji je osnivač Općina Vareš?

Dario Dodik

4. Zanima me u kojoj je fazi projekt parkinga za koji sam pokrenuo Inicijativu prije tri godine i da li je moguće da mi kao Vijeće vidimo taj projekt ako je već izrađen? Ujedno i predlažem da nam se prezentira projekt za parking, moguće je i da neko bude imao neki prijedlog i koji bi bio prihvatljiv za projekt? (dato je pojašnjenje)

Nikola Šimić

5. Moje vijećničko pitanje se odnosi na stanje lokalne infrastrukture/puteva na dionici koju koriste kompanija Adriatic Metals i PJ Šumarija Vareš. Put prema Dubošnici, od Igrišta do same Dubošnice, je opterećen. Tražim da Služba izađe na teren, da se neki vid sanacije izvrši prije zime, da bi se i sa malim autima moglo prometovati.

Nurdin Begović

6. Da li JKP d.o.o. Vareš ima potpisan sporazum o održavanju gradske higijene sa Općinom Vareš? Ukoliko ima, koje sve aktivnosti su poduzete u skladu sa ugovorom?
Pitanje postavljeno pisanim putem JKP d.o.o. Vareš.
7. Kada će biti završeno postavljanje stubova i rasvjete u naselju Ljepovići?
Pitanje postavljeno pisanim putem Službi za prostorno uređenje.

Vijećnik Igor Hinger uz dato pojašnjenje podnio je usmenim putem sljedeću **Inicijativu**

- Da se postavi znak, mrtva točka ili možda čak i ležeći policajac u Vareš Majdanu, na mjestu skretanja sa regionalne ceste prema objektu „Partizan“. Inicijativu uputiti prema Ministarstvu za prostorno uređenje, promet i komunikacije i zaštitu okoliša.

Predsjedavajuća OV stavila je na raspravu Zapisnik sa 3. vanredne sjednice OV.

Nije bilo primjedbi i predsjedavajuća OV stavila je na izjašnjavanje Zapisnik sa 3. vanredne sjednice OV i nakon izjašnjavanja vijećnika konstatuje da je **jednoglasno sa 18 glasova „ZA“** (odsutan vijećnik Mario Mirčić) **usvojen Zapisnik sa 3. sjednice OV.**

Predsjedavajuća OV stavila je na raspravu Zapisnik sa 28. sjednice OV.

Nije bilo primjedbi i predsjedavajuća OV stavila je na izjašnjavanje Zapisnik sa 28. sjednice OV i nakon izjašnjavanja vijećnika konstatuje da je **jednoglasno sa 18 glasova „ZA“** (odsutan vijećnik Mario Mirčić) **usvojen Zapisnik sa 28. sjednice OV.**

Predsjedavajuća OV stavila je na raspravu prijedlog dnevnog reda 29. sjednice OV koji je usuglašen na Kolegiju Općinskog vijeća.

Nije bilo učesnika i predsjedavajuća OV stavila je na izjašnjavanje prijedlog dnevnog reda **29. sjednice OV** i nakon izjašnjavanja vijećnika konstatuje da je **jednoglasno sa 18 glasova „ZA“** (odsutan vijećnik Mario Mirčić) **usvojen sljedeći**

Dnevni red

1. Izvještaj/Izvješće o izvršenju Budžeta/Proračuna Općine Vareš za period januar/siječanj-septembar/rujan 2023. godine.
 - Izvjestilac: Općinski načelnik.
2. Prijedlog Rješenja o razrješenju dužnosti zamjenika predsjedavajuće Općinskog vijeća Vareš.
 - Izvjestilac: Predsjedavajuća OV.
3. Prijedlog Programa finansiranja komunalnih djelatnosti za 2024. godinu.
 - Izvjestilac: Ermin Musa.
4. Informacija o vodosnabdijevanju i odvozu smeća na području općine Vareš.
 - Izvjestilac: Ermin Musa.
5. Informacija o stanju u oblasti privrede i nezaposlenim licima koja se vode kod Biroa za zapošljavanje Vareš po kvalifikacionoj i polnoj strukturi.
 - Izvjestilac: Salih Memić.
6. Informacija o stipendiranju i stipendistima općine Vareš u akademskoj 2022/2023. godini.
 - Izvjestilac: Čedomir Jelić.
7. Informacija o postignutom uspjehu u školskoj 2022/2023. godini u OŠ „Vareš“, OŠ „Vareš-Majdan“ i MŠŠ „Nordbat-2“ Vareš.
 - Izvjestilac: Čedomir Jelić.
8. Informacija o izgradnji mosta na rijeci Stavnji kod pijace.
 - Izvjestilac: Ermin Musa.
9. Tekuća pitanja

Ad. 1.
*(Izveštaj/Izvešće o izvršenju budžeta/proračuna
Općine Vareš za period januar/siječanj-septembar/rujan 2023. godine.)*

Komisija za privredu, finansije i budžet na 14. sjednici održanoj 24.10.2023. godine jednoglasno je donijela Zaključak:

- **Komisija prihvata Izveštaj/Izvešće o izvršenju budžeta/proračuna Općine Vareš za period januar/siječanj-septembar/rujan 2023. godine, isti upućuje Vijeću na razmatranje uz sugestiju da ubuduće prilikom izrade tekstualnog obrazloženja prihoda i rashoda u Izveštaju, isto bude detaljnije sa jasnim i decidnim pojašnjenjem.**

Izjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali: vijećnik Dario Dodik (*traži pojašnjenje zbog čega ima kašnjenja u izvršenju određenih obaveza a u budžetu je naveden evidentan rast prihoda*), šefica Odsjeka za finansije i trezor Stela Terzić (*dala je dodatno pojašnjenje i upoznala prisutne da se dio prihoda odnosi na namjenska sredstva*), Općinski načelnik Zdravko Marošević (*dao je određena pojašnjenja*), Dario Dodik (*replika-traži dodatno pojašnjenje u vezi povećanih rashoda za plaće*), Općinski načelnik Zdravko Marošević (*obrazložio je da se povećanje odnosi na naknade za pripravnike koje finansira državni nivo*) i Amela Brkić (*izjavila da će Klub vijećnika SDP podržati ova tačku dnevnog reda*).

Zaključena je rasprava i predsjedavajuća OV stavila je na izjašnjavanje Izveštaj/Izvešće o izvršenju budžeta/proračuna Općine Vareš za period januar/siječanj-septembar/rujan 2023. godine.

Nakon izjašnjavanja vijećnika predsjedavajuća OV konstatuje da **sa 9 glasova „ZA“ i 8 „SUZDRŽANIH“ glasova** (odsutni vijećnici Mario Mirčić i Sahudina Beganović) **nije usvojen**

***Izveštaj/Izvešće o izvršenju budžeta/proračuna
Općine Vareš za period januar/siječanj-septembar/rujan 2023. godine.***

Ad. 2.
*(Prijedlog Rješenja o razrješenju dužnosti
zamjenika predsjedavajuće Općinskog vijeća Vareš)*

Predsjedavajuća OV podsjetila je prisutne da je Mirnes Ajanović podnio ostavku na mjesto zamjenika predsjedavajuće OV i da je po istoj provedena procedura u skladu sa Statutom i Poslovníkom OV.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Rješenja o razrješenju dužnosti zamjenika predsjedavajuće Općinskog vijeća Vareš.

Nakon izjašnjavanja vijećnika predsjedavajuća OV konstatuje da je **jednoglasno sa 18 glasova „ZA“** (odsutan vijećnik Mario Mirčić) **usvojeno**

***Rješenje o razrješenju dužnosti
zamjenika predsjedavajuće Općinskog vijeća Vareš.***

Predsjedavajuća OV uputila je apel klubovima koji ispunjavaju uslove da nominiraju nekoga ko će biti imenovan za zamjenika predsjedavajuće OV.

Ad. 3.
(Prijedlog Programa finansiranja komunalnih djelatnosti za 2024. godinu)

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Dario Dodik (*mišljenja je da treba uvrstiti u Program i ulice koje su izostavljene i traži jednak tretman ili približno jednak tretman za sve stanovnike grada kad je u pitanju zimsko i ljetno održavanje*), Šaban Ibrišimović (*traži da se u MZ Kokošići dio puta od autobuske stanice do škole uvrsti u čišćenje*), Emir Islamović (*uz pojašnjenje predložio zaključak da se obaveže Jedinstveni općinski organ da izvrši realizaciju Programa finansiranja komunalnih djelatnosti za 2024. godinu i da se planirana sredstva u Programu planiraju u Budžetu*), Nurdin Begović (*postavio pitanje da li Općina Vareš ima potpisan Ugovor o gradskoj higijeni sa JKP d.o.o. Vareš*), Mahira Brkić (*uz pojašnjenje podsjetila je prisutne da je Program uslov za potpisivanje Ugovora i da po Zakonu o javnim nabavkama nije potrebno provoditi javni poziv ukoliko postoji preduzeće čiji je osnivač Općina*), pomoćnik načelnika Ermin Musa (*dao je dodatno pojašnjenje i odgovore na postavljena pitanja: na osnovu Programa sklapa se Ugovor o gradskoj higijeni u iznosu koji se utvrdi u Budžetu, mišljenja je da ta sredstva nisu dovoljna i da se trebaju planirati u većem iznosu, izjavio je da će u Program uvrstiti sve ulice po Odluci o nazivu ulica i da Vijeće donese taj Zaključak*), Dario Dodik (*replika-mišljenja je da uz naredni Program finansiranja komunalnih djelatnosti treba da se dostavi i Izveštaj o realizaciji Programa za 9 mjeseci*), predsjedavajuća OV Mahira Brkić (*izjavila je da će staviti na izjašnjavanje Program finansiranja komunalnih djelatnosti za 2024. godinu u formi kako je predložio pomoćnik načelnika da će u Programu biti navedene sve ulice, i da će se takav Program dostaviti svim vijećnicima*), Maja Berberović (*uz pojašnjenje predložila da čišćenje gradskih ulica i dalje bude zadatak PVJ Vareš, tako da novac ostane u budžetu Općine*), Asmir Čizmo (*uz obrazloženje predložio zaključak da se u toku zimskog održavanja sa početkom padavina, mjesečno Vijeću dostavlja Informacija o zimskom održavanju cesta*), Nikola Šimić (*uz pojašnjenje sugerise da za sve radove u gradu sanacije, rekonstrukcije i sl. je potrebno imati projektnu dokumentaciju, skrenuo je pažnju na loše stanje ulice Nikovac i potrebu da se ulica sanira*) i Amela Brkić (*mišljenja je da treba iznaći rješenje kako bi se plan ispoštovao i realizovalo sve što je planirano*).

Zaključena je rasprava i predsjedavajuća OV stavila je na izjašnjavanje Program finansiranja komunalnih djelatnosti za 2024. godinu u kome će biti uvrštene sve ulice koje su izostavljene.

Nakon izjašnjavanja vijećnika predsjedavajuća OV konstatuje da **je jednoglasno sa 18 glasova „ZA“** (odsutan vijećnik Mario Mirčić) **usvojen**

Program finansiranja komunalnih djelatnosti za 2024. godinu.

Na osnovu prijedloga iznesenih u raspravi predsjedavajuća OV predložila je i stavila na izjašnjavanje sljedeće

Zaključke:

- **Nalaže se Službi za prostorno uređenje da u toku zimskog održavanja lokalnih i ostalih puteva, ulica, trotoara i javnih stepeništa, sačini Izveštaj za prethodni mjesec sa podacima šta se uradilo u toku tog mjeseca i da se sa potrebnim informacijama prezentira vijećnicima.**

Nakon izjašnjavanja vijećnika predsjedavajuća OV konstatuje da **je jednoglasno sa 18 glasova „ZA“** (odsutan vijećnik Mario Mirčić) **usvojen Zaključak.**

- **Nalaže se Službi za privredu, finansije i trezor da polazna osnova prilikom kreiranja budžeta Općine Vareš za 2024. godinu bude iznos koji je naveden u Programu finansiranja komunalnih djelatnosti za 2024. godinu.**

Nakon izjašnjavanja vijećnika predsjedavajuća OV konstatuje da **je jednoglasno sa 18 glasova „ZA“** (odsutan vijećnik Mario Mirčić) **usvojen Zaključak.**

Ad.4.

(Informacija o vodosnadbijevanju i odvozu smeća na području općine Vareš)

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Nazif Hajrić (*postavio je pitanje zašto u Informaciji nisu uvrštene mjesne zajednice gdje JKP d.o.o. Vareš ne vrši vodosnadbijevanje, traži odgovor u vezi problema u MZ Budoželje u zaseoku Glavica i odgovor u vezi nestanka vode u MZ Zubeta*), Amela Brkić (*također je skrenula pažnju na potrebu hitnog otklanjanja kvara na vodovodu u MZ Budoželje*), predsjedavajuća OV Mahira Brkić (*izvijestila je prisutne da je Vijeću dostavljen Zahtjev od MZ Budoželje u vezi navedenog problema i da će Vijeće pod tačkom Tekuća pitanja po istom donijeti zaključak*), pomoćnik načelnika Ermin Musa (*izjavio je da će se poslati upit JKP d.o.o. Vareš da dostavi odgovore, sa problemom u MZ Budoželje upoznato je JKP d.o.o. Vareš i započeto je sa rješavanjem kvara, izvijestio je Vijeće da su u Informaciji navedeni podaci samo za vodovode koje održava JKP d.o.o. Vareš i da se može tražiti i od mjesnih zajednica gdje JKP d.o.o. ne upravlja vodovodima da dostave podatke i da se dopuni naredna Informacija*) i Emir Islamović (*uz pojašnjenje predložio je Zaključak da sve mjesne zajednice koje nisu u sistemu u JKP d.o.o. Vareš, dostave informaciju za prošlu godinu o stanju vodosnadbijevanja i kakve probleme imaju*).

Predsjedavajuća OV stavila je na izjašnjavanje sljedeći

Zaključak:

- **Zadužuju se sve mjesne zajednice da do 22. novembra 2023. godine dostave Informaciju o vodosnadbijevanju i odvozu smeća sa područja njihove mjesne zajednice, bez obzira što vodovod nije dat na upravljanje JKP d.o.o. Vareš.**

Nakon izjašnjavanja vijećnika predsjedavajuća OV konstatuje da **je jednoglasno sa 18 glasova „ZA“** (odsutan vijećnik Malik Rizvanović) **usvojena**

Predsjedavajuća OV konstatuje uz Zaključak da je **Vijeće primilo k znanju**

Informaciju o vodosnadbijevanju i odvozu smeća na području općine Vareš.

Ad.5.

(Informacija o stanju u oblasti privrede i nezaposlenim licima koja se vode kod Biroa za zapošljavanje Vareš po kvalifikacionoj i polnoj strukturi)

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Nazif Hajrić (*da li izvjestilac ima podatke koliko u firmama ima zaposlenih sa općine Vareš*), Dario Dodik (*da li su sve firme d.o.o. evidentirane*

u Informaciji, koliko ima registrovanih obrta), Nurdin Begović (upoznao prisutne sa angažmanom ASB humanitarne organizacije sa Općinom Vareš), Maja Berberović (uz pojašnjenje sugerisala je na potrebu izmjene naziva Informacije), Amela Brkić (skrenula pažnju na potrebu prekvalifikacije lica koji su evidentirani na Birou, da li Općina Vareš planira aktivnosti po tom pitanje), predsjedavajuća OV Mahira Brkić (iznijela je pozitivno mišljenje za ovu tačku dnevnog reda i ukazala na situaciju da postoje pojedina lica koja nisu zainteresovana za prekvalifikaciju), izvijestilac Salih Memić (odgovorio na postavljena pitanja vijećnika u raspravi i dao određena pojašnjenja, izvijestio je Vijeće da je prema 42 firme upućen dopis za dostavu potrebnih podataka i da 9 kompanija nije dostavilo tražene podatke), predsjedavajuća OV Mahira Brkić (zatražila je od izvjestioca da prisutne i javnost upozna koje firme nisu dostavile podatke), izvijestilac Salih Memić (upoznao je Vijeće i javnost koje firme nisu dostavile podatke), Asmir Čizmo (kakav je bio interes građana po raspisanom javnom pozivu za prekvalifikaciju), izvijestilac Salih Memić (služba nije upoznata kakav je odziv bio jer je poziv bilo na kantonalnom nivou), Emir Islamović (da li se može sugerisati privatnim kompanijama da prilikom zapošljavanja prioritet imaju osobe sa Biroa ukoliko odgovara stručna sprema) i predsjedavajuća OV Mahira Brkić (odgovorila je vijećniku Emiru Islamović da to Vijeće ne može tražiti).

Predsjedavajuća OV zatražila je od vijećnika mišljenje da Vijeće donese zaključak kojim bi od devet kompanija koje nisu dostavile podatke službi, tražilo dostavu potrebnih podataka koje su dostavile sve ostale kompanije i da se izvrši dopuna Informacije koju bi nadležna služba u narednom periodu dostavila Vijeću.

U daljnjoj raspravi su učestvovali vijećnici Dario Dodik (izjavio je da postoji mogućnost da preko Poreske uprave dobiju se podaci kako je i izvijestilac u svom obraćanju rekao) i Nikola Šimić (iznio je svoje mišljenje o i moguće razloge zbog kojih firme nisu dostavile podatke).

Predsjedavajuća OV predložila je i stavila na izjašnjavanje sljedeći

Zaključak:

- **Općinsko vijeće nalaže izvjestiocu Informacije o stanju u oblasti privrede i nezaposlenim licima koja se vode kod Biroa za zapošljavanje Vareš po kvalifikacionoj i polnoj strukturi da uputi dopis prema Poreznoj ispostavi Vareš da dostavi relevantne podatke o zaposlenosti za sve pravne subjekte, javne ustanove i javna preduzeća (po kvalifikacijama koje su navedene u Informaciji) koji su registrovani na području općine Vareš i ukoliko su u mogućnosti također da dostave za svaki pravni subjekt, javnu ustanovu i javno preduzeće koliko ima zaposlenih sa općine Vareš.**

Nakon izjašnjavanja vijećnika predsjedavajuća OV konstatuje da **je jednoglasno sa 19 glasova „ZA“ usvojen predloženi Zaključak.**

Predsjedavajuća OV konstatuje uz Zaključak da je **Vijeće primilo k znanju**

Informaciju o stanju u oblasti privrede i nezaposlenim licima koja se vode kod Biroa za zapošljavanje Vareš po kvalifikacionoj i polnoj strukturi.

Ad.6.

(Informacija o stipendiranju i stipendistima općine Vareš u akademskoj 2022/2023. godini)

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Zakir Džafo (traži informaciju o stipendijama sa općinskog nivoa), predsjedavajuća OV Mahira Brkić (podsjetila je prisutne na

izlaganje šefice Ureda za finansije i trezor u kome je Vijeće upoznala da su prihodi i rashodi u budžetu povećani iz razloga primitka sredstava i za stipendije koje su uplaćene sa viših nivoa vlasti) i pomoćnik Čedomir Jelić (dao je pojašnjenje i izjavio da općinskih stipendija nije bilo, sredstva za stipendije uplaćena su od kantonalnih nadležnih ministarstava).

Zaključena je rasprava i predsjedavajuća OV konstatuje uz Zaključak da je **Vijeće primilo k znanju**

**Informaciju o stipendiranju i stipendistima
općine Vareš u akademskoj 2022/2023. godini.**

Predsjedavajuća OV dala je pauzu u trajanju 10 minuta.
Nastavljeno je sa radom sjednice.

Ad.7.

*(Informacija o postignutom uspjehu u školskoj 2022/2023. godini
u OŠ „Vareš“, OŠ „Vareš-Majdan“ i MSS „Nordbat-2“ Vareš)*

Izjavitelj nije imao dodatno pojašnjenje za ovu tačku dnevnog reda.

Otvorena je rasprava u kojoj je vijećnica Sahudina Beganović iznijela svoje mišljenje za ovu tačku dnevnog reda i skrenula pažnju na trend smanjivanja broja učenika u školama.

Zaključena je rasprava i predsjedavajuća OV konstatuje uz Zaključak da je **Vijeće primilo k znanju**

**Informaciju o postignutom uspjehu u školskoj 2022/2023. godini
u OŠ „Vareš“, OŠ „Vareš-Majdan“ i MSS „Nordbat-2“ Vareš.**

Ad.8.

(Informacija o izgradnji mosta na rijeci Stavnji kod pijace)

Izjavitelj nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Emir Islamović (*predložio da Općina Vareš prilikom izvođenja bilo kojih radova, obavezno postavi tablu sa podacima početka i završetka radova, vrijednost radova kao i naziv investitora i izvršioca tih radova, i da se poštuju zakonske odredbe zaštite na radu*) i Maja Berberović (*traži da se javnost upozna sa sadržajem Informacije i sugeriše da se kamenje u koritu rijeke Stavnje ukloni i sanira zid koji je srušen*).

Predsjedavajuća OV upoznala je javnost sa sadržajem Informacije o izgradnji mosta na rijeci Stavnji.

Zaključena je rasprava i predsjedavajuća OV konstatuje uz Zaključak da je **Vijeće primilo k znanju**

Informaciju o izgradnji mosta na rijeci Stavnji kod pijace.

Ad.9.
(Tekuća pitanja.)

1. Predsjedavajuća OV izvijestila je Vijeće da je po Zaključku OV na sjednici prisutna direktorica JU Centar za kulturu i edukaciju Vareš koja će se očitovati po postavljenim pitanjima vijećnika na 28. sjednici OV prilikom razmatranja Izvještaja o radu ustanove za 2022. godinu.

Direktorica Šejla Kapetanović u svom obraćanju prezentirala je odgovore na postavljena pitanja i dala pojašnjenje zbog čega na neka pitanja nije mogla dati odgovor na samoj sjednici na kojoj su i postavljena. Upoznala je prisutne sa određenim aktivnostima ustanove i projektima na koje je ustanova aplicirala.

U raspravi su učestvovali vijećnici: Nurdin Begović, Dario Dodik, Amela Brkić, Mirnes Ajanović, Sahudina Beganović, Igor Hinger, Maja Berberović i predsjedavajuća OV Mahira Brkić.

Predsjedavajuća OV sugerisala je predstavnicima JU Centar za kulturu i edukaciju Vareš da prihvate sve dobronamjerne savjete koje su vijećnici iznijeli u toku rasprave.

2. Predsjedavajuća OV upoznala je Vijeće da je dostavljena Presuda Kantonalnog suda Zenica broj:04 0 U 014605 23 U od 16.10.2023. godine u kojoj nas izvještavaju da se tužba Rudnika željezne rude d.o.o. Vareš u stečaju uvažava, osporena Odluka tuženog organa Općinskog vijeća Vareš broj: 01-172/22 od 28.07.2022. godine se poništava i predmet se vraća tuženom organu na ponovno rješavanje.

Predsjedavajuća OV podsjetila je prisutne da je Vijeće navedeno u suštini i izvršilo na vanrednoj sjednici, te je pozvala zamjenicu Općinskog pravobranioca da prisutne izvijesti o istom.

Zamjenica Općinskog pravobranioca Belma Karamustafić izvijestila je prisutne da se ovdje radi o istoj pravnoj stvari koja je vođena po tužbi tužitelja BBM Amfibolit a u vezi Odluke broj:01-172/22 od 28.07.2022. godine, Kantonalni sud je zauzeo stajalište Vrhovnog suda po presudi koju je Vrhovni sud donio u upravnom sporu sa firmom BBM Amfibolit gdje je naloženo da se Odluka poništi i donese nova odluka u ponovnom postupku. Na 3. vanrednoj sjednici OV održanoj 09.10.2023. godine, Vijeće je donijelo novu Odluku o utvrđivanju javnog interesa za izgradnju puta Borovica (lokacija Rupice)-Tisovci broj:01-254/23 od 09.10.2023. godine. Samim tim postupilo se po Presudi Kantonalnog suda u Zenici koji je naložio da se provede ponovni postupak i donese nova odluka. Općinsko vijeće Vareš donijelo je novu odluku i ispoštovalo zakonske procedure naložene Presudom Kantonalnog suda u Zenici, a u vezi sa tužbom Rudnika željezne rude d.d. Vareš u stečaju.

3. Predsjedavajuća OV upoznala je Vijeće sa Zahtjevom Savjetom MZ Budoželje broj:06-10/23 od 06.10.2023. godine, a u vezi rješavanja problema sa vodosnadbijevanjem na području MZ Budoželje u zaseoku Glavica. Zahtjev su dostavili i JKP d.o.o. Vareš.

Predsjedavajuća OV predložila je i stavila na izjašnjavanje sljedeći

Zaključak:

- **Općinsko vijeće nalaže JKP d.o.o. Vareš da ukoliko već nije, izađe na lice mjesta i u što kraćem roku otkloni kvar na vodovodnoj mreži u MZ Budoželje (zaseok Glavica).**

Nakon izjašnjavanja vijećnika predsjedavajuća OV konstatuje da je **jednoglasno sa 19 glasova „ZA“ usvojen predloženi Zaključak:**

4. Vijećnik Emir Islamović izjavio je da je zamoljen ispred većeg broja građana da Vijeće upozna da je u proteklom periodu na lokalitetu Luke, općina Vareš desio se nemili događaj. Iznio je stav Kluba vijećnika SDA, da Klub osuđuje nacionalističke pjesme i uz pojašnjenje zamolio da OV donese jedan zaključak da Vijeće osuđuje bilo koju vrstu nacionalističkih pjesmama koje će povrijediti druge i drugačije.

Predsjedavajuća OV stavila je na izjašnjavanje predloženi

Zaključak:

- **Općinsko vijeće Vareš osuđuje bilo koju vrstu nacionalističkih pjesama koje će povrijediti druge i drugačije.**

Nakon izjašnjavanja vijećnika predsjedavajuća OV konstatuje da je **jednoglasno sa 19 glasova „ZA“ usvojen predloženi Zaključak.**

Sastavni dio ovog Zapisnika je audio zapis sjednice.

Sjednica je završena u 17.00 sati

ZAPISNIČAR

Azra Pijadžer

**PREDSEDavajuća
OPĆINSKOG VIJEĆA**

Mahira Brkić